



Statutas

Uniun da dunnas Tujetsch (UDDT)

fundaziun 6 da fevrer 1966

art. 1	num e domicil	1
art. 2	intent e finamira	1
art. 3	commembras, dretgs ed obligaziuns	1
art. 4	organisaziun	1
art. 5	radunonza generala	1
art. 6	radunonza extraordinaria	2
art. 7	votaziuns	2
art. 8	elecziuns	2
Art. 9	protocol	3
art. 10	suprastonza	3
art. 11	pensum dalla suprastonza	3
art. 12	suttascripziun	3
art. 13	indemnisaziuns/spesas	3
art. 14	revisuras da quen	4
art. 15	finanzas	4
art. 16	limitaziun da responsablada	4
art. 17	cass extraordinaris	4
art. 18	revisiun dallas statutas	4
art. 19	soluziun	4
art. 20	approbaziun dallas statutas	5

A) NUM E DOMICIL

art. 1 num e domicil

L'Uniun da dunnas Tujetsch ei ina uniun tenor igl art. 60 dil Cudisch civil svizzer (CSS) cun sedia a Tujetsch.

Ella ei commembra dall'Uniun catolica da dunnas dil Grischun, alla quala ella paga ina contribuziun annuala ed ei cheutras era commembra dall'Uniun catolica da dunnas svizras.

B) INTENT E FINAMIRA

art. 2 intent e finamira

L'Uniun da dunnas Tujetsch vul reunir las dunnas cun promover il socialessen da nossa societad. Quei che pertucca la religiun e politica ei l'uniun neutrala.

Ella sefa activa per elaborar ed ademplir pensums che surveschan al beinstar general e public e per collaborar independentamein ni ensemen cun autras organisaziuns ni uniuns.

C) COMMEMBRAS, DRETGS ED OBLIGAZIUNS

art. 3 commembras, dretgs ed obligaziuns

a) La pusseivladad da daventar commembra han tuttas dunnas cun interess per il beinstar da noss'uniun cun pagar la contribuziun annuala.

b) Mintga commembra obtegn sin giavisch las statutas.

c) Commembras d'honor vegnan tuttas dunnas che cumpleneschan il 70avel onn. Ellas pagan negina contribuziun annuala.

d) Mintga commembra ha il dretg da
=> far propostas
=> vegnir elegida
=> votar ed eleger
=> separticipar a tuttas purschidas organisadas entras l'uniun

e) Mintga commembra duess
=> prender part alla radunonza generala
=> segidar tenor meglier saver e puder en tuttas spartas organisatoricas

D) ORGANISAZIUN

art. 4 organisaziun

Il organ dall'Uniun da dunnas Tujetsch ein:

- ⇒ la radunonza generala
- ⇒ la radunonza extraordinaria
- ⇒ la suprastanza
- ⇒ las revisuras da quen

E) CUMPETENZAS

art. 5 radunonza generala

La radunonza generala ei il suprem organ dall'uniun. Ella ha liug inagada ad onn, per regla el decuors digl emprem quartal.

Las tractandas secloman:

- 1) Beinvegni
- 2) Elecziuns da dumbravuschs
- 3) Approbaziun dil davos protocol
- 4) Rapport annual dalla presidenta ed approbaziun da tal
- 5) Rendaquen, rapport dallas revisuras ed approbaziun dil quen
- 6) Fixar la contribuziun annuala
- 7) Elecziuns (tenor art. 8)
- 8) Program da lavur
- 9) Varia

La radunonza ei autorisada da prender in conclus. Ella astga denton decider mo davart fatschentas che figureschan sin la gliesta da tractandas.

La radunonza generala ei autorisada da prender conclus sin propostas da commembras mo sche quellas ein vegnidas surdadas en scret alla suprastonza per ponderaziun e quei silmeins 20 dis avon la radunonza generala.

Sur da propostas che figureschan buca sin la gliesta da tractandas ed ein buca vegnidas inoltradas 20 dis avon en scret sa la radunonza prender decisiun mo sche 2/3 dallas commembras presentas ein persuerter.

Las radunonzas vegnan publicadas a scret cun tarmetter a mintga commembra la gliesta da tractandas ni ch'igl ei era pusseivel da publicar avon el fegl uffical da Tujetsch cun far enconuschent las tractandas. Quei sto succeder silmeins 10 dis avon la radunonzas.

art. 6 radunonza extraordinaria

Radunonzas extraordinarias san vegnir convocadas tenor basegns entras la suprastonza ni sch'in tschunavel dallas commembras giavischan quei a scret.

La radunonza extraordinaria ha las medemas cumpetenzas sco la radunonza generala. L'invitaziun ha da succeder sco tier la radunonza generala.

F) VOTAZIUNS ED ELECZIUNS

art. 7 votaziuns

Las votaziuns vegnan fatgas cun maunpli. Sin giavisch dalla maioritad dallas commembras presentas ston quellas vegnir fatgas cun scrutini.

Tier las elecziuns decida l'emprema gada igl absolut pli, la secunda gada il relativ pli.

Commembras da suprastonza che han buca abdicau valan automaticamein sco proponidas.

art. 8 elecziuns

Las elecziuns dalla suprastonza succedan alternont, quei vul dir:

- els onns spèrs vegnan elegidas
 - => la presidenta
 - => la cassiera
 - => ina revisura da quen
 - => ina assessura

- els onns pèrs vegnan elegidas
=> l'actuara
=> ina revisura
=> ina assessura

G) SUPRASTONZA

art. 9 suprastonza

La suprastonza secumpona ord

- ⇒ la presidenta
- ⇒ l'actuara e vicepresidente
- ⇒ la cassiera
- ⇒ duas assessuras

La suprastonza vegn elegida per ina perioda da dus onns. Ina reelecziun ei pusseivla. Il cuoz d'uffeci ei 8 onns. La radunonza generala sa decider d'ina prolungaziun dil cuoz d'uffeci.

La suprastonza prepara las fatschentas per mauns dalla radunonza, exequescha ils conclus dallas radunonzas e coordinescha las lavurs.

art. 10 pensum dalla suprastonza

presidenta

La presidenta convochescha e presidescha las radunonzas dalla suprastonza e dall'uniun. Ella procura ch'ils conclus pri dallas radunonzas vegnien exequi e representa l'uniun anoviars.

actuara

L'actuara scriva ils protocols dallas radunonzas. Ella ei el medem mument era vicepresidente dall'uniun e sustegn e substituescha la presidenta.

cassiera

La cassiera meina il quen, incassescha las contribuziuns e meina il register da commembras.

assessuras

Las assessuras sustegnan la suprastonza leu nua ch'ei fa basegns.

art. 11 suttascripziun

La suttascripziun obligonta dall'uniun ha la presidenta ni vicepresidente collectiv ensemen cun l'actuara ni cassiera. Per il traffic bancar ha la cassiera il dretg da suttascripziun singula.

art. 12 indemnizaziuns/spesas

Las commembras dalla suprastonza ni lur delegadas vegnan indemnizadas sco suonda

- ⇒ spesas sco telefons, portos, viadis, tschaveras e.a.v.
- ⇒ ein deliberadas dalla contribuziun annuala
- ⇒ tscheina annuala dalla suprastonza
- ⇒ cuosts tier scolaziuns e cuors
- ⇒ frs. 50.— per onn en suprastonza alla fin dil temps d'uffeci

G) PROTOCOL

art. 13 protocol

Il protocol vegn buca tarmess per posta. El ei publicaus 20 dis sunter la radunonza generala sin la pagina d'internet dall'uniun.

H) REVISURAS DA QUEN

art. 14 revisuras da quen

La radunonza generala elegia duas revisuras da quen per il cuoz da mintgamai dus onns.

Las revisuras da quen controlleschan il quen annual e dattan in rapport a bucca ed en scret per mauns dalla radunonza generala. Ina revisura sto esser dalla partida alla radunonza generala.

I) FINANZAS

art. 15 finanzas

Ils mieds finansials dall'Uniun da dunnas Tujetsch consistan ord

- 1) contribuziuns annualas dallas commembras
- 2) entradas da bazars, lottos, occurrenz, fiera da Nadal e.a.v.
- 3) donaziuns / bunamans / contribuziuns d'instituziuns
- 4) fondo per intents socials
- 5) la facultad dall'uniun ed ils recavs

Ultra dallas indemnizaziuns/spesas (art. 12) e da quei ch'ei vegniu decidiu enteifer las radunonzas ei mo la suprastonza cumpletta cumpetenta da disponer annualmein d'ina summa da maximal frs. 2'000.— per caussas nunprovedidas.

L'uniun paga all'Uniun catolica da dunnas dil Grischun la contribuziun da commembra che quella ha fixau a sia radunonza da delegadas.

Igl onn da quen cuoza naven dils 1 da schaner entochen ils 31 da december.

Art. 16 limitaziun da responsabladad

Per las obligaziuns dall'Uniun da dunnas Tujetsch ha sulettamein la facultad dall'uniun da star buna.

J) DETERMINAZIUNS FINALAS

art. 17 cass extraordinaris

Per tuts cass ch'ei buca numnai en questas statutas valan las statutas dall'Uniun catolica da dunnas dil Grischun.

art. 18 revisiun dallas statutas

Ina revisiun parziala ni totala dallas statutas ei resalvada alla radunonza generala. Quella ei autorisada da decider sche tala ei publicada sin la gliesta da tractandas. Per midar las statutas ni singuls artechels drova ei 2/3 dallas vuschs dallas commembras presentas ein persunter.

art. 19 soluziun

La soluziun dall'uniun sco era partenent la disposiziun sur dalla facultad sa mo la radunonza generala decider sche 2/3 dallas commembras presentas ein persunter.

art. 20 approvaziun dallas statutas

Quellas statutas ein vegnidas approbadas alla radunonza generala dils 18 da schaner 2020 ed entran en vigur immediat suenter l'approvaziun entras l'Uniun catolica da dunnas dil Grischun.

Ellas remplazzan las statutas dils 13 da settember 1979 e dils 26 da schaner 1997.


Sedrun, ils 18 da schaner 2020

la presidenta



Nicole Solèr

l'actuara



Onna Beer

Examinau ed approbau las statutas entras l'Uniun catolica da dunnas dil Grischun

Cuera, ils 5.3.2020

la presidenta

l'actuara

